

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-28609/24
Sarajevo, 06.02.2024. godine

Na osnovu člana člana 69. stav (2) tačka e) i d) i člana 70. stav (1) i (4) Zakona o javnim nabavkama („Službeni glasnik BiH“, br. 39/14, 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

ODLUKU O PONIŠTENJU POSTUPKA JAVNE NABAVKE Izvođenje radova hotrikulturnog uređenja javnih površina

I

Prihvata se preporuka Komisije za javnu nabavku radova i poništava se postupak javne nabavke - Izvođenje radova hotrikulturnog uređenja javnih površina, broj obavještenja 422-1-3-260-3-350/24 objavljeno na Portalu javnih nabavki BiH dana 12.12.2024.godine i u “Službenom glasniku BiH”– Oglasnik javne nabavke broj 88/24 od 20.12.2024.godine, obzirom da je cijena jedine prihvatljive ponude veća od obezbijedenih sredstava za predmetnu nabavku.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama.

Obrazloženje

Odlukom broj 02/12-19-28609/24 od 11.12.2024. godine Općina Novi Grad Sarajevo pokrenula je otvoreni postupak javne nabavke - Izvođenje radova hotrikulturnog uređenja javnih površina, broj obavještenja 422-1-3-260-3-350/24 objavljeno na Portalu javnih nabavki BiH dana 12.12.2024.godine i u “Službenom glasniku BiH”– Oglasnik javne nabavke broj 88/24 od 20.12.2024.godine. Procijenjena vrijednost za predmetnu nabavku iznosi 42.735,04 KM bez PDV-a, odnosno 50.000,00 KM sa PDV-om.

Zapisnikom o otvaranju ponuda od 06.01.2025. godine Komisija je konstatovala da su u predviđenom roku, u propisno upakovanim kovertama pristigle dvije (2) ponude ponuđača:

1. “Green Servis” d.o.o. Sarajevo
2. “Geoametist” d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku. Komisija je utvrdila računsku grešku u ponudi ponuđača “Green Servis” d.o.o. Sarajevo u obrascu za ponudu (Aneksa 2) tenderske dokumentacije, i to kako slijedi:

1. Na stranici broj 13 ponude stavka 1.6. umjesto 420,00 treba da bude 2.100,00;
2. Shodno gore navedenom, na stranici broj 19 ponude stavka SVE UKUPNO SA POPUSTOM BEZ PDV-a umjesto 42.732,00 treba da bude 44.412,00;

Navedene greške su se odrazile na to da ukupno ponuđena cijena za ugovor u Aneksu 2 i Aneksu 3 ponude treba da iznosi:

44.412,00 KM bez PDV-a
7.550,04 KM iznos PDV-a
51.962,04 KM sa PDV-om.

Komisija je dana 25.1.2025. godine uputila ponuđaču Obavještenje o ispravci računске greške o čemu je ponuđač dostavio saglasnost na ispravku računске greške 28.01.2025. godine.

Nadalje Komisija konstatovala da predmetna ponuda ponuđača prelazi planirana sredstava ugovornog organa za predmetnu javnu nabavku, odnosno prelazi procijenjenu vrijednost nabavke iz Odluke o pokretanju postupka. Shodno navedenom ponuda je neprihvatljiva, a što je i u skladu sa savjetodavnim mišljenjem Agencije za javne nabavke BiH. Predmetnim mišljenjem je navedeno da *u otvorenom postupku javne nabavke i konkurentskom zahtjevu za dostavu ponuda neprihvatljivost ponude se cijeni u toku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije.*

Iz naprijed navedenih razloga utvrđeno je da je ponuda ponuđača "Green Servis" d.o.o. Sarajevo neprihvatljiva u skladu sa članom 2. stav (1) tačka l) Zakona o javnim nabavkama BiH, te je ponuda odbačena shodno odredbama člana 69. stav (2) tačka e) Zakona o javnim nabavkama.

Komisija je pristupila analizi i procjeni preostale ponude, te utvrdila da dostavljena ponuda ponuđača "Geoametist" d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. (a) tehnička i profesionalna sposobnost – da je ponuđač u protekle tri kalendarske godine uspješno izvršio minimalno jedan ugovor na poslovima nabavke i ugradnje materijala za hortikulturno uređenje ili sličnim poslovima vrijednosti najmanje 50.000,00 KM sa PDV-om, a tačkom 3.4.2. (a) propisano je da se navedeno dokazuje dostavljenjem liste izvršenih ugovora ponuđača koji su u vezi sa predmetom nabavke a koji su realizovani u posljednje tri godine sa vrijednostima, datumima i naručiocima radova kao dokaz da je u protekle tri godine ponuđač uspješno izvršio minimalno jedan ugovor na poslovima nabavke i ugradnje materijala za hortikulturno uređenje ili sličnim poslovima vrijednosti najmanje 50.000,00 KM sa PDV-om. Uz spisak izvršenih ugovora ponuđač je dužan dostaviti potvrdu za ugovor na poslovima nabavke i ugradnje materijala za hortikulturno uređenje ili sličnim poslovima vrijednosti najmanje 50.000,00 KM sa PDV-om koju je izdala ugovorna strana – naručilac radova, a koja obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima.

Ponuđač je na stranici broj 29. ponude dostavio potvrdu o uredno realiziranom ugovoru izdatu od „Bosna u očima Gulfa“ d.o.o. Sarajevo, 30.12.2024.godine gdje se navodi da je ponuđač „Geoametist“ d.o.o. Sarajevo uredno izvršio više ugovora iz oblasti hortikulturog uređenja i održavanja, međutim ponuđač nije dostavio Listu izvršenih ugovora kako je to traženo navedenom tačkom tenderske dokumentacije. Shodno tome Komisija je konstatovala da ponuđač ne ispunjava uslov iz tenderske dokumentacije, obzirom da je navedenom tačkom utvrđeno da je ponuđač dužan dostaviti *listu izvršenih ugovora ponuđača koji su u vezi sa predmetom nabavke a koji su realizovani u posljednje tri godine.* Nadalje Komisija je konstatovala da ponuđač ne ispunjava kvalifikacione uslove tražene u tenderskoj dokumentaciji iz tačke 4.1. - Priprema ponuda gdje stoji da su *ponuđači obavezni da pripreme ponude u skladu sa uslovima koji su utvrđeni u ovoj tenderskoj dokumentaciji. Ponude koje nisu u skladu sa ovom tenderskom dokumentacijom će biti odbačene kao neprihvatljive, sve u skladu sa članom 68.Zakona.* Uvidom u dostavljenu ponudu uočeno je da na stranici br.2 ponude - Sadržaj ponude nedostaje potpis ovlaštenog lica/direktora a ista nije ni numerisana. tačkom 4.1.4. je propisano da *sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav (6) i (7) Uputstva za pripremu modela tenderske dokumentacije i ponude.*

Iz naprijed navedenih razloga utvrđeno je da je ponuda ponuđača "Geoametist" d.o.o. Sarajevo ne ispunjava uslove tražene u tenderskoj dokumentaciji iz tački 3.4.2. (a) - tehnička i profesionalna sposobnost i 4.1 – priprema ponuda, te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno da je ponuda nepravilna.

Na osnovu navedenog u skladu sa odredbom člana 69. stav (2) tačka e) Zakona o javnim nabavkama odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rješavanje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bošagić, sekretar Komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

